

صاحب امتیازی :
شهبندرزاده فلبهلی
امیر صامی

اداره و تحریر محلی

جفال اوغلی جاده سنده دائره مخصوصه در .
مخابرات صاحب امتیاز ایله جریان ایتمه لی در .
نشری تاریخندن اون کون کچمش نسخه لر
ایکی غروشد



مراط اشتراك :

برسته لی ۹۵ آتی آیلنی ۵۴ پوسته اتحادینه
داخل ممالك اجنبیه ایچون قرق
فرانقدر

اداره مدیری فلبهلی
محمدذهنی

اعلان ایچون اداره مدیری
محمدذهنی بکه مراجعت ایدیلیر .

باصحابه

یکی بر سیاست آچازی

فرانسه نك قونفرانس تكلیفی

موسیو پوانقاره نك مجهول قالدینی وقت سحر آمیز ظن ایدین مشهور و معهود تکلیفی، میدانه چینیجه ناصل ساده بر فکر دن عبارت قالدینی کورولمش ایدی. دولت عثمانیه، مملکتشده تلقای نفسندن یامغه عزم ایتدیکی اصلاحات حقته، معهود تکلیفده کی «آله الملق» تعیری قبول ایده مزیدی. بوتعیر، دول معظمه نك یاغارجی بالقانلیره حق ویردیکنی و مداخله معناسی متضمن ایدی. تکلیفده کی بو تعیر، انکلترونك عدم خشنودینی بیله موجب اولمشدی.

بودفعده بنه موسیو پوانقاره، متقی انکلترونه، یکی بر تکلیفده بولونیور. قونفرانس! دون لوندره دن کلن ۱۵ تاریخلی بر تلغراف، بالقان ایشلرینه دأر دول معظمه نك بر قونفرانس عقد ایتمه سی حقته کی فرانسز تکلیف نك انکلیز حکومتی طرفدن جدیتله نظره الیندیغی بیلدرمکده در. بوکونکی وضعیت نظر اعتنایه آئیرسه، بوکی تکلیفه حیرت ایتمه م و موسیو پوانقاره نك مهارت سیاسیه سی حقته ترده دوشمه م ممکن اولیور.

بالقان احوالی بوکونکی شکله کتیرن، دول معظمه نك آل آلتندن اجرا ایتدکاری نفوذ رقابتی واضرار رقیب سیاستی دکلدی در؟ بو، بر حقیقت درکه بالقانلری سیاسی بر فوطبول ساحه سی منزله سنه ایندیرن، بالقان احتراصاتی کیزلیجه تشویقلره بسله یں و الحاصل منافقانه بر سیاستله بوکونکی سفک دمایه یول آچان دول معظمه در.

شیمدی بالقانلرده حرب باشلامشدر. دول معظمه، شیاریق بالقان خیالپرستلرینه سوزسویله مه سی بیلسه. یدی، بوکونکی وضعیت پیدا اولمازدی. آرتق بولغار حکومتی، عثمانی دولته اورزیل نوطه یی ویردکن، بولغار رجالتك تورکری اوروپادن چیقارمق حقته کی افکاری میدان علانیه چقدقن صوکر، قونفرانس عقدندن ناصل بر فائده ملاحظه ایدیلیور؟ اگر قونفرانس ایله، بالقان اقوامی، خروس دوکوشدر بر کی، بر مدت یکدیگریله بوغوشدیردقن صوکر، نتایج حریبه یی کنندی کیفرینه کوره یا باجقلری ظن ایدیورلرسه، آلدانیورلر. بو قونفرانس ده بالقان استاتوقونك محافظه سنه معطوف اولاجق. لکن طرفین، بیکارله ملتداشنی فدا ایتدکن صوکر، اوروپالیره اطاعت ایده جکر می؟ ظن ایتمه یز. هم اوروپا، بونی نه صلاحیتله طلب ایده جک؟ اگر بالقان حکو- متلریه و یا خود بزه قارشى جبر قوللانه جقلرسه، او باشقا. بز، بولغارلری ته لیه جکمه زه امیز. روم ایلی شرقی یی، پودغوریجه یی، تسالیایی اشغال ایله جکمزى غایه الله ایله امید ایلوروز. عجباً بویلری تکرار اعهده بیلیر- می یز؟ همده وطنمه کوز دیکن دشمنلره!

آرتق قونفرانسلره لزوم قلمادی، زیر ملنلر اوروپا دیپلوماتلرینك حیل و شیطنه بازیچه اولمازلر. آرتق بز عثمانیلر، منافع و حسیاتمزی قوری کورولتیلره فدا ایده مه یز. بولغارلر، بز دن ماکدونیا یی آلمق ایسته یورلر. بز عثمانیلر ده اولردن روم ایلی شرقی یی آلمق ایسته یوروز.

مادم که دول معظمه، بادی حرب اولان بولغار- لری صوصد برامادی و محاربه یی منع ایده مدی، شو حالده محاربه نك نایمجه دده شیمدین راضی اولدی دیمک در. و مادم که دعوانك، حانی ایکی خصمک چارپیشاسنه بر اقدی، قونفرانس و مداخله نك ده معناسی قلمادی. بز، بالقانلرله دعوا مزى حل ایده جکر، بوراسی بویله. لکن پوانقاره تکلیف جدیدی ده یکی بر خطا اولارق تاقی دن واز کچه مدیکمزی بیان ایده رز. فرانسه، روسیه نك تلقیناته راز فضله جه متابعت ایدیور. بوراسنه تأسف ایده رز، چونکه بوتلقینات، صورت ظاهره سنندن صرف نظر، هب بالقان اسلاولرینك لهنده در.

شهبندر زاده فلهلی

احمد حلمی

بالقان محاربه سنی کیم حاضر لامش؟

ینه روسیه می؟

[مهم بر مقاله]

(آوستریا رساله سی) عنوانیه و یانه ده انتشار ایدن رساله موقوتیه ده بارون (شلومه طی) اسمنده بر محرر بالقان محاربه سنك اسباب ظهوری تدقیق ایدیور. محرر مذکور بحران حاضرک سبب یکنه سی روسیه اولدیغی شو صورتله بیان ایدیور «روس سیاستی اوتدن: بری بونیجه یی احضار ایتمه م مشغول اولمشدر. فی الحقیقه خیلی موسقوف محرکاری دأما بالقان پایتختلرینه مکیک کی کیدوب کلرک بالقان پایتخلری ایله روسیه بیننده دائمی بر تماس حصوله کتیر مشلر در. اوتدن بری معلوم بر حقیقت ایدی که بالقان اتفاقی تجاوزی بر مقصد پرورده ایدیوردی. حالبوکه وقایعی شو صورتله احضار ایتش اولان روسیه بیوک بر محاربه یه هنوز حاضر لئامشدر. روسیه هنوز لایق صورته مسلح دکل در. ایشته کیفیت مذکور روسیه نك آوستریا، مجارستانه قارشى ایتسزلکنی تزید ایتشدر.

حالبوکه آآوستریا هیچ بر وقت بالقانلرده توسیع اراضی احتراصاتی پرورده ایتمه مشدر. قره طاغک، ناکهانی اوله رق اعلان حرب ایتمی روسیه پولتیقه نك معوج وضعیتنی اثبات ایتشدر. اگر اعلان حرب ایتمه روسیه نك توجهنی غائب ایده جکنی بیلسمه ایدی، قره طاغ قرالی محاربه یه قالدیشازدی. کیفیت مذکور، روسیه نك قره طاغه معاونت ایتدیککنه بر دلیل کافی در.

بارون مارشالک خلفی

برلین ۱۶ تشرین اول — متوقی بارون مارشالک یرینه پرنس (بلنجنووسکی) آلمانیا نك لوندره سفارتنه تعیین ایدمشدر.

باب عالک جوابی نوطه سنك اوروپاده

حسن تأثیری

برلین ۱۶ تشرین اول — باب عالینك جوابی نوطه سی بر اینده حسن تأثیری موجب اولمشدر. بین الدول عقدی تکلیف اولنان قونفرانس ایشی قبول ایتین مذکور نوطه نك وقورانه و حیتپورانه لسانی بوراده عظیم بر تأثیر حصوله کتیرمکده در. بالقان هیئت متفقه سنك تداکات عسکریه سنی ظاهره چیقارماق اوزره دیپلوماتلرک سترایتمک ایستدیکی اورتونک تورکیه طرفدن بر طرف ایدلمسی «دویچه تاغس جاتیونغ» جریده سی مظهر تقدیر بر حرکت اوله رق تلقی ایدیور.

بر بلغار مقتصدینك بیاناتی

بلغار اقتصادییونندن بری (اکسلسیور) مخابرینه دیمشدر که:

بالقانلر محاربه سی پک پک آلتی هفته دوام ایده. جکدر. مدت مذکور طرفنده ایکی مدهش محاربه وقوعه کله جکدر. شو حالده ایکی احتمال وارد خاطر در. بویکی محاربه دن برخیزنده بلغارستان احراز مظفریت ایده جکی تقدیر ده دول معظمه بلغارستانه مقاومت ایتمی ضمنتده تورکیه یه وقت ویره جکدر. ادرنه ایله آیاستفا. نوس آره سننده جریان ایده جک اولان ایکنجی محاربه ده بلغارستانك غالب اولدیغی تقدیر ده دول معظمه در حال مداخله ایده رک دولت عثمانیه نك انقراضنه مانع اولنه جقلر در.

ایکنجی احتمال:

برنجی محاربه ده مغلوب اولدیغمزی فرض ایده لم. اووقت اوروپا مداخله ایده جکدر. بلغارستان حکومتك بقاسی، روسیه نك شرقده کی نفوذینك محافظه سی ایچون شرائط اساسیه دن معدود اولدیغندن روسیه بلغارلرک مقهوراً مغلوب اولمسی ایسته مز.

حکمت

ظاهراً هذیان بکزمین شوسوزلر، مع التأسف بلکه ده بر جوق مشاهیر سیاسيونك افکارینی خاطره کتیریور.

ولایات شرقیه ده

بتلیسدن ایکی ساعت مسافه ده واقع زاغ قارقیه سنده اشقیایی تعقیبه مأمور زاندارمه لردن ایکی کیشی قتل اولمشدر.

نه زو کوردلک!!

«محاربه ایستز» دیبه اوزرمزه صالدران بالقان حکومتلرینك قوه مالییه سی نه درجه ضعیف اولدیغی کونسترمک ایچون آئیده کی کیفیت کافی در.

صربستانك پارس سفیری (وهسنیچ) حکومت متبوعه سنه کشیده ایلدیکی تلغرافنامه لرك بالطبع عظیم بریکونه بالغ اولان مقابلتی بلغارادن ایستلر. کندیسنه شیمدیلک انتظار ایتمی جواباً بیلدریلر. سفیر نه نه یاپه جقنی شاشیر یز:

بعض مهم مسئله لر حقته حکومته معلومات ویرمک قدر تلغراف پاره سی یوق! در حال پارشدن کی همشهر- لیلرینی زیارت ایدر اوتنه کیدن بریکیدن بشیوز- بیک فرائق قدر تدارک ایدر. ایشته بو صورتله تلغراف پاره سی تدارک ایدر. (فیغارو)